



錢塘魏之琇編集

海昌王士雄孟英同校

疫

王宇泰曰聖散子方因東坡先生作序由是天下神之宋末辛未年永嘉瘟疫服此方被害者不可勝紀宗
開葉石林避暑錄云宣和間此藥盛行於京師太學生信之尤篤殺人無數醫病屢之昔坡翁謫居黃州時
其地頻江多濕而黃之居人所感者或因中濕而病或因雨水浸淫而得所以服此藥而多效是以通行于
世遺禍于無窮也宏治癸丑年吳中疫癘大作吳邑令孫磐令醫人修合聖散子遍地街衢并以其方刊行
病者服之十無一生率皆狂索昏督而卒意孫公之意本以活人殊不知聖散子方中有附子良薑吳茱萸
豆蔻麻黃藿香等劑皆性味燥熱反助火邪不死何待若不辨陰陽之證一概施治殺人利子刀劍有能廣
此說以告人亦仁者
之一端也續醫說

張子和曰元光春京師翰林應泰李屏山得瘟疫證頭痛身熱口乾小便赤澀渠素嗜飲醫者使與酒臘丸兼巴豆

利十餘行次日頭痛諸病仍存醫者不識復以辛溫之劑解之加之卧于暖炕強食葱醋湯圖獲一汗豈知種種

客熱疊疊併作自黃斑生潮熱吐泄大喘大滿後雖用承氣下之已無及矣至今議者紛紜終不知熱藥之過往

往歸罪於承氣湯用承氣湯者不知其病已危猶復用藥學不明故也良可罪也然議者不歸罪于酒臘丸亦可

責也夫瘟疫在表不可下況巴豆乎巴豆不已況復發以辛熱之劑乎彼隨眾毀譽者皆妄議者也士雄抄巴豆

巴豆極重以大黃下而獨能生陰乎此證似當以綠豆解

宋寶慶二年丙戌冬十一月耶律文正王從元太祖下靈武諸將爭掠子女玉帛王獨取書籍數部大黃兩駝而已

既而軍中病疫得大黃可愈所活幾萬人輟耕錄土雄按兵卒多飲酒食肉勞汗又多溫疫一行必

職方外紀云哥阿島曩國患疫有名醫名依卜加得不以藥石令城內外遍舉大火燒一晝夜火息而病亦愈矣蓋疫

為邪氣所侵大氣猛烈能盡諸邪邪氣盡而疫愈亦至理也檮書初編此法惟微外可施文田案此冬月寒

寒疫而宜其
妄刪此案也

邱汝誠因訪友聞鄰家哭聲問何故曰鄰某甫得時疾即令汲水置大桶中以簾橫其人手于上病遂愈揮塵新談

